

## Caka - Ruuhu Yehowah Deftere Ceniinde - Holy Spirit Scriptures

Maatiyu 12:28 Ammaa, to e mi wurtina ginni nder bawde Ruuhu Yehowah, too, hollii Laamu Yehowah waranii'on.

Maatiyu 28:19 Ngam non, njahee ngartiron fuu lenyi duuniyaaru tokkubeyam, ngadananbe baptisma nder inde Yehowah Nyaako Mo Dow, e Biddo, e Ruuhu Yehowah,

Markus 1:10 E wurtakki Yeesu daga nder ndiyam dam, o yi'i dow e mabbitoo, Ruuhu Yehowah e jippoyoo dow maako bo foondu.

Markus 13:11 Fuu carel ngel dum nangi'on dum yaari'on yeeso laamu, to' on ngannu dow ko mbi'oton. E carel ngel Yehowah hokkay'on ko mbi'oton, sey mbi'onka. Ngam naa' dum onon metata, ammaa dum Ruuhu Yehowah.

Luka 2:26 holliimo o maayataa naa o yi'ii Almasiihu Joomiraawo.

Luka 4:1 Yeesu yiwoyi daga Caangol Urdun e heewi Ruuhu Yehowah. Sey Ruuhu Yehowah yaarimo nder ladde.

Luka 4:18-21 "Ruuhu Joomiraawo e dow am, ngam o subiiyam mi hokka be ngalanaa Habaru Beldum. O liliyam mi wadda habaru yoofuki maccube, mi wumtina wumbe, mi wada dum ala torreteebe ndilla, 19 Mi wa'ajinana duuniyaaru wiiki hitaande nde Joomiraawo hisnata yimbe muudum waroyi." 20 Sey o mabbi deftere nden, o hokkitinde ballitoowo o joodii. Koo moye gondo nder suudu do'aare ndun sutiimo. 21 Sey Yeesu wi'ibe, "De'e aayaaje de nandon, hande de keewii."

Luka 12:11,12 "To yimbe njaarii'on yeeso mawbe e laamiibe, to' on ngannu dow no mburtinirton ko'e moodon koo ko mbi'oton. 12 Ngam Ruuhu Yehowah ekkitinay'on e carel ngel ko haani mbi'on."

Yahaya 7:38,39 Non no dum windiraa, 'Koo moye kooliidoyam, candi ndiyam kokkojam yonki waday ka iluki daga nder bernde maako.' " 39 Nde Yeesu wi'i du'um, dow Ruuhu Yehowah o metata dum kooliibemo kebata. E ngel don carel Yehowah hokkaayi Ruuhu muudum taw, ngam Yeesu tiddinaaka taw.

Yahaya 14:16,17 Mi toroto Nyaako Mo Dow, nden o hokkay'on godsum Ballaydum, joododotoodum e moodon haa abadaa. 17 Kanko woni Ruuhu kollaydum goonga. Yimbe duuniyaaru ndu'u njabataadum, ngam be ngi'ataadum, be andaadum. Ammaa onon on andidum ngam e dum wondi e moodon, nden dum joodoto nder moodon.

Yahaya 14:26 Ammaa e woodi Ballaydum, waato Ruuhu Yehowah dum Nyaako Mo Dow liloya nder inde am. 'Dum ekkitinay'on koo dume, dum siforany'on fuu ko mbiimi'on.

Yahaya 16:7,8 Ammaa e mi wi'a'on goonga, ngam beydaari moodon ndillaymi.

Ngam to mi dillaayi, dum don Ballaydum warantaa'on. Ammaa to mi dillii, mi liloaydum to moodon. 8 To dum waroyii, dum hollay yimbe duuniyaaru be paamaayi boddum ko woni hakke, e aadilaaku Yehowah, e kiita maako.

Yahaya 16:13-15 Ammaa carel ngel Ruuhu Yehowah kollaydum goonga warii, dum andinay'on goonga fuu. Dum metataa boliide de hoore maajum, ko dum nani tan dum metata, nden dum wi'ay'on ko wadata yeeso. 14 Ruuhu dum hoccay ko mbiimi dum wi'a'onka, non dum hollirta teddungal am. 15 Fuu ko Nyaako Mo Dow woodi, min jeyidum. Kanjum wadi mbiimi Ruuhu maako hoccay ko mbiimi dum wi'a'onka.

Yahaya 20:21,22 Yeesu fudditi wi'i, "Jam wonda e moodon! Non no Nyaako Mo Dow liliriyam, non min maa e mi lila'on." 22 Nde o wi'i non, sey o fuufi dow mabbe o wi'ibe, "Njabee Ruuhu Yehowah.

Kuude Lilaabe 1:2 haa yaaki nyalnde nde o hoccaa yaaki dow. Ko o hoccee yaaki dow, o ekkitinii lilaabe be o subi nder bawde Ruuhu Yehowah.

Kuude Lilaabe 1:5 Yahaya wadanii yimbe baptisma e ndiyam, ammaa nder balde sedda, onon Yehowah wadiranay'on baptisma e Ruuhu maako."

Kuude Lilaabe 1:8 Ammaa to Ruuhu Yehowah jippoyake dow moodon, on kebay bawde, on ngartay kokkaybe wobbe habaru am nder Urucaliima, e leydi Yahuudiya fuu, e leydi Samaariya, haa keerol duuniyaaru."

Kuude Lilaabe 2:1-4 Nde Humto Bendol Alkamaari wadi, tokkuge Yeesu fuu kawriti wigeere go'o. 2 Don e don be nani iido yiwoyii daga dow bo hendu cembindu. Iido ngon heewi wuro ngo be ngoni nder. 3 Sey godsum nandudum e demde hiite wangi. De cankitii, de kodii dow hoore koo moye mabbe. 4 Sey be fuu be keewi Ruuhu Yehowah, be puddi metuki nder demde feere-feere no Ruuhu hokkiribe bawde metuki.

Kuude Lilaabe 2:17-19 'Nder balde cakitiide ko duuniyaaru re'a, mi hokkay yimbe fuu Ruuhu am. Bibbe moodon worbe e rewbe be nga'ajinay habaru am, kori'en moodon ngi'ay wahayu, ndotti'en moodon koyday koydi yiwoydi to Yehowah. 18 Mi hokkay maccube am worbe e rewbe Ruuhu am nder balde den, be nga'ajinay habaru am. 19 Mi hollay fii kulniidum e dow; nder duuniyaaru boo mi waday alaamaaji kulniidi, waato yiyyam e hiite e curka baleha. (Yowel 2:28,29)

Kuude Lilaabe 2:33 Yehowah mawniniimo, joodiniimo e jungo muudum nyaamo hokkimo Ruuhu muudum no o wadunoo alkawal. Kanko boo o hokkiimindum. Kanjum woni ko ngi'oton e ko nanoton jooni.

Kuude Lilaabe 2:38 Biiturus wi'i, "Koo moye moodon tuuba wadanee baptisma nder inde Yeesu Almasiihu ngam kebon yaafaneeki hakke moodon. Nden Yehowah hokkay'on Ruuhu muudum caahu.

Kuude Lilaabe 4:31 Nde be njottini do'aare wuro ngo be kawriti dimbii. Be fuu be keewi Ruuhu Yehowah, be nga'ajini Wolde Yehowah kulol walaa.

Kuude Lilaabe 8:15-17 Nde be njottii, be torii Yehowah hokka Samaariyanko'en

ben Ruuhu muudum, 16 ngam be ngadanaama baptisma nder inde Yeesu Joomiraawo tan, ammaa Ruuhu Yehowah jippoyaaki dow koo moye mabbe taw. 17 Sey Biituras e Yahaya njowi juude mu"en dow mabbe, be kebi Ruuhu Yehowah.

Kuude Lilaabe 8:39 Nde be mburtii ndiyam dam, sey Ruuhu Joomiraawo hoccilibus. Neddo on fudditaayi yi'ukimo, o nyamri yeeso e yaadu, e mo nana beldum. (1 Laamiibe 18:12)

Kuude Lilaabe 9:31 Gada maajum kawtal tokkube Yeesu nder leyde Yahuudiya e Galiili e Samaariya fuu kebi jonde jam. Ruuhu Yehowah wallibe, be cembidi, be beydi kulol Joomiraawo, be duudi.

Kuude Lilaabe 10:44,45 Biituras e nder metankibe, sey Ruuhu Yehowah jippii dow nanoobemo fuu. 45 Yahuudanko'en kooliibe Yeesu gardube e Biituras kaydinii nde be ngi'i no Yehowah hokkiri yimbe naa' Yahuudanko'en Ruuhu muudum,

Kuude Lilaabe 11:15 Nde puddumi metuki, sey Ruuhu Yehowah jippii dow mabbe non no dum jipporii dow meeden arande.

Kuude Lilaabe 13:52 Ammaa tokkube Yeesu wonbe Antaakiya nani beldum naa' sedda, e be keewi Ruuhu Yehowah. Ammaa tokkube Yeesu wonbe Antaakiya nani beldum naa' sedda, e be keewi Ruuhu Yehowah.

Kuude Lilaabe 19:6 Nde Bulus yowi juude muudum dow mabbe, Ruuhu Yehowah jippoyii dow mabbe, be meti nder demde de be andaa, be puddi wa'ajinki.

Kuude Lilaabe 20:23 sey ni Ruuhu Yehowah wi'iyyam nder gariiri ndi njaalumi fuu habbeeki e torra e hediiyam.

Roomanko'en 5:5 Kammunde nden semtintaa'en, ngam Yehowah holli'en e mo yidi'en nder berde meeden barka Ruuhu maako, dum o hokki'en.

Roomanko'en 8:9 Ammaa onon on ngadataa ko balli moodon ngidi. On ngada ko Ruuhu Yehowah wi'i, to ni dum goonga Ruuhu Yehowah e joodii nder berde moodon. Koo moye to walaa Ruuhu Almasiihu, naa' Almasiihu jeyimo.

Roomanko'en 8:13-16 Ngam to on ngada jonde no balli moodon ngidiri, on maayay. Ammaa barka Ruuhu Yehowah, to on mbarii kuude de balli moodon ngidi waduki, on kebay yonki ki re'ataa. 14 Ngam fuu yimbe be Ruuhu Yehowah tokkinta be bibbe Yehowah. 15 Ngam Yehowah hokkaayi'on Ruuhu gartiraydum'on maccube haa pudditon ngadon jonde nder kulol, ammaa o hokku'on Ruuhu gartiraydum'on bibbe maako. Barka Ruuhu dum en mbaaway nodden Yehowah "Abba! Nyaako meeden!" 16 Ruuhu Yehowah e hoore maajum hawti e berde meeden tabbitinta enen en bibbe Yehowah.

Roomanko'en 8:26 Non maa, Ruuhu Yehowah e walla'en to tampuden. Ngam en andaa no haani ngadiren do'aare, ammaa Ruuhu Yehowah e hoore maajum e toroo Yehowah ngam meeden carel ngel ndulluden ko mbi'eten en otta.

Roomanko'en 15:13 Yehowah tabbitindo kammunde meeden wada'on nanon beldum kewdum, o hokka'on jam barka hoolaaki ki kooliidonmo, ngam kammunde moodon wada ka beydaaki laawol bawde Ruuhu maako.

Roomanko'en 15:19 e kuude kaydiniide de ngadumi laawol bawde Ruuhu Yehowah. Daga Urucaliima mi filake haa yaaki gariiri Iliirkum, mi wa'ajini Habaru Beldum dow Almasiihu e den don bigeeje fuu.

1 Korintiyanko'en 2:10-13 Ammaa Yehowah hollii'endum laawol Ruuhu maako. Ngam Ruuhu maako e andi koo dume haa e sirru maako luggudum. 11 Moye nder yimbe andata ko woni nder bernde neddo to naa' neddo on? Non maa, walaa andudo nyumo Yehowah sey ni Ruuhu Yehowah. 12 Ruuhu dum kebuden, naa' to duuniyaaru dum yiwoyi; to Yehowah dum yiwoyi, ngam anden caahu dum o hokki'en. 13 E min meta dow du'um naa' nder haala ka faamu neddo ekkitata, sey ni nder haala ka Ruuhu Yehowah ekkitinimin. E min ekkitina goodube Ruuhu Yehowah dow goonga Yehowah.

1 Korintiyanko'en 3:16 On andaa balli moodon dum wuro to Yehowah joodotoo, nden Ruuhu Yehowah e joodoo nder berde moodon?

1 Korintiyanko'en 6:11 Ndenno non wobbe moodon mba'i. Ammaa jooni dum lootii hakke moodon, on ngartiraama yimbe Yehowah, on ngartiraama aadili'en barka Yeesu Almasiihu Joomiraawo meeden e Ruuhu Yehowah.

1 Korintiyanko'en 12:3 Ngam non, e mi yidi andon walaa neddo mo Ruuhu Yehowah tokkinta wi'a, "Yeesu o laanaado!" Non maa walaa baawaydo wi'a, "Yeesu o Joomiraawo," sey ni to Ruuhu Yehowah tokkinimo.

2 Korintiyanko'en 3:17 Too, Joomiraawo on woni Ruuhu Yehowah, nden to Ruuhu Yehowah woni don rimdineeki woni.

2 Korintiyanko'en 13:14 Barka dum Yeesu Almasiihu Joomiraawo, e yidde Yehowah, e sumpootirki e Ruuhu Yehowah wonda e moodon on puu.

Galaatiyanko'en 4:6 Ngam on bibbe Yehowah, o liloyi Ruuhu Biddo maako nder berde meeden, e dum noda Yehowah e dum wi'a, "Nyaako am, Nyaako am."

Aafisanko'en 1:13,14 Onon maa, on ngartii yimbe Yehowah carel ko nandon wolde goonga, waato Habaru Beldum dow Yeesu gaddandum'on kisndam. On koolakemo, Yehowah boo hokkii'on Ruuhu muudum dum o wadani'on alkawal. Ruuhu dum hollii on ngartii be maako. 14 \*\*

Aafisanko'en 2:18

Aafisanko'en 4:30 Paamee, to' mettinanon Ruuhu Yehowah bernde, ngam Yehowah hokkii'ondum ngam holla onon dum be maako, nden Nyalnde Jaango o rimdinay'on.

1 Tesaloonikanko'en 4:8 Ngam non, fuu ganyudo ekkitinol ngo'ol, naa' neddo o wanyi, Yehowah o wanyi, kokkoowo'on Ruuhu maako.

1 Tesaloonikanko'en 5:19 To' on kadu kuugal Ruuhu Yehowah.

2 Tesaloonikanko'en 2:13 Onon bandiraabe amin be Joomiraawo yidi, e haani min ngada ka yettuki Yehowah ngam moodon koo ndeye. Ngam daga arande Yehowah subii'on ngam kison barka laabinki ki Ruuhu maako wadata e jabuki goonga. (1 Biiturus 1:2)

Tiitus 3:5,6 o hisnii'en, naa' ngam kuude bodde de ngaduden, ammaa ngam yurmeende maako. O hisnu'en barka lootuki berde meeden ki Ruuhu maako wadi wartirii'en yimbe hesbe. 6 O hokki'en Ruuhu maako barka Yeesu Almasiihu Kisnoowo meeden.

Ibraaniyanko'en 2:4 Non maa Yehowah tabbitiniidum e alaamaaji, e kuude kaydiniide feere-feere, e hokkuki Ruuhu maako non no o yidiri.

Ibraaniyanko'en 10:15 Ruuhu Yehowah maa e hokka'en ceyda dow maajum. Arande dum wi"ii,

1 Biiturus 1:2 Yehowah Nyaako Mo Dow subii'on nder yidde maako. Ruuhu maako wartirii'on ceniibe, ngam tokkon ko Yeesu Almasiihu wi'i, laabon barka yiyyam maako. Yehowah beyda barkidinki'on, beyda hokkuki'on jam.

2 Biiturus 1:21 Ngam walaa annabaaku meedudum warki daga nyumol neddo. Ammaa Ruuhu Yehowah hollibe be mbi'a ko Yehowah wi'ibe.

1 Yahaya 4:2 Raa no andirton to neddo e woodi Ruuhu Yehowah: fuu biido Yeesu Almasiihu warii nder bandu e woodi Ruuhu Yehowah.

1 Yahaya 5:7,8 E woodi fii tatum tabbitinandum'en goonga dow Yeesu. 8 Kanjum woni Ruuhu Yehowah, e ndiyam, e yiyyam, dum fuu e dum holla ceyda go'o.

Yahuuda 1:20 Ammaa onon be ngidumi, cembidinee ko'e moodon dow hoolaare moodon ceniinde. Ngadee do'aare nder bawde Ruuhu Yehowah.

Exodus 35:31 Ruuhu Yehowah, in wisdom, in understanding, and in knowledge, and in all manner of workmanship;

Lamba 11:25 Ruuhu Yehowah on Moses put on 70 elders who prophesied.

Ayuuba 33:4 Ruuhu Yehowah made me, and the Breath of the Almighty gave me life.

Icaaya 11:2 Ruuhu Joomiraawo shall rest upon Him, Ruuhu of wisdom and understanding, Ruuhu of counsel and might, Ruuhu of knowledge and of the fearJoomiraawo;

Mika 3:8 I am full of power by Ruuhu Joomiraawo, and of judgment, and of might,

Daaniyel 4:6 Not by might, nor by power, but by My Ruuhu, saith Joomiraawo of hosts.